

新成山詩目錄

五言律

甲申



三述與善二堂落成詩 八章

雲松 貞萋 涉棟 絃中

騷客 隱約 無隱

龍江逢孟長民艤舟過鄆山 四章

尊佩 初服 刻銘 相慰

劉遠予毛燕山二明府至蓬萊

子雷酌選真臺率爾作



神物 鳴琴 逝者 春草 逢近
岍谷 公超 書帶 堪老 天外

叢桂 空谷 此間 破涕 初種
開園 愛竹 石笈 殘碁 高、

漫賦肩佛 二章

舟彩 昔供

賦得中也者 又賦得毛猶有倫 各一章

洞破 入細

蓬萊峽端陽水嬉 十章
有序

斷麓 畫水 江市 半村 塞裳
炎颺 微雨 鬪鴨 滿客 涉

曹遠思司李至 山重水複

尊三臺因川為韻 四章

河山 猿蹄 逸馬 洪濤

竹醉日再登 逃詔巖用呂而遠為賦嘉

遜五韻寄懷何義兆 五章

騰控 鴻寶 營巢 為主
長安

張勗之同賦五韻因并和之 五章

枯樹 殘山 蒿蓬 驅石
度劫

汀州司李趙我惟偕李寶弓至山中

諸友冒雨上逃詔巖 六章

青巖 澗泉 驛道 鑿出 碑節 折臂

闕蘭谷洞新成寄胡爾房 二章

蘭谷 簾竹

從蘭谷洞逃雨下山阿小隱 八章

小雨 崖淺 佳處 咫尺 山阿 愛竹 過庭 結足

率爾答池立夫 一章

高人

五月廿七日江東驚聞長安之變 六章

滄素 藏書 江湖 盟壇 誓衆 猖狂

偶書示趙與蓮及諸友 三章

奇抱 修名 避世

六月朔日長安信至率爾寄友 六章

虞淵 圖識 王氣 海樹 汎江 淮水

九月二日偕諸友登黃巖用韻同賦 八章

海眼 麟鸞 講肆 世道 雷雨
堪語 側岸 勝事

九日同沈鶴生及諸友登逃雨巖 六章

遠渚 蕭然 餐英 齋糧 三洞
懸度

十日再登諸洞更命意匠鑿山 六章

鑿山 絕壁 馬肝 疎放 欣賞
枕漱

十有二日偶值刻暇書示楊三

天夢 煮髓 杖屨 為誰 牽絲
石色 頽年 彌海

凡二十一篇一百二十章 序三 目錄

鄒侯山詩集 即焦桐山卷之二
甲申作

漳海 黃石齋著 黃巖弟子 較

五言律

三近與善二堂落成用高岡梧桐菁莪

中阿為韻示諸子同賦

雲松各百尺、屐齒自云高、覽古未為遠、懷人何
太勞、鴻濛還老手、開闢見吾曹、山水將迎處、騫
騰動羽毛

二

貞萋初貼岸靈卉已遶岡以此破愚質遂成益
智方馳颺除借徑鍾磬坐開場乘燭饒吾事更
闌領月光

三

昔此爲湯棘今真得董梧平看舟楫影坐捋鯨
龍鬚帝亦有淡意人應愛晚圖嚴灘焦舍外可
似此間無

四

見爾絃中意殊非爨下桐軒窗登小雅庭柳拂
王風刪定歸諸子標題屬老翁鱸蓴與米饋合
不憚江東

五

寒威天遠近嶺色漏葱菁與爾共謀野當誰事
初耕蒿中除兩室文檣抵全城但祝扁舟者長
無問姓名

六

騷客常尊惠、風人深愛莪、是知芳草意、偏入野
橋多、魚鼓敲詩易、羊裘倩釣蓑、何難更獨宿、寤
語與高歌

七

隱約雲雷意、檀回大澤中、經綸梅柳變、聲教
樵同師、道推松子天、民尚老農一、生希矯飾來、
往任江風

八

似我真無隱、如君良不阿、生馮天勘定、道行鬼
磋磨、知已江山在、清陰梧竹多、莫將新語意、重
惹舊風波

四月龍江逢孟長、民涖任潮陽、艤舟過
鄴山、同張勗之呂、而遠楊季夷、魏元
方用云誰之思為韻

昔當辛壬之歲、筮蒐未與浪跡江湖之上、反

棹殊期餘魚羊喬以俟河神逸鹿按頰而驚
庖子雖相從不舍季常之侶能來而親戚乖
離謝過之歸可歎時維長民孟兄與予晨夕
自鴛湖以抵牛渚擊檝和歌繇白下而憩西
林篝燈問影貧病不輟餐寢相依洞庭彭蠡
之險無間於懷蔬糲瓢箪之涼不更其趣乃
使炎爽潛移荷梧遁落始割半縑分衿白下
嗚呼於斯時也豈意登海之市尚有樓觀衡
岳之雲開其彌望哉及於青蠅旣散木鳳隨
翔斗酒之灑胥江前無白馬片帆之依巖瀨
撫有蒼松乃上孝廉之船一吐朱徐之氣天
子問其何來公卿知其從我猶且不樂承明
出從百里裁歌以誨武城調絃而棲單邑有
車南指將歷鳳皇之丘於我權輿載訪蓬萊
之峽矣追昔夙共拭沉瀾濯足而問仙舟採
薪以逢漁父雖揚舠擊汰茗雪之致云殊而

泝泳襄侗兼葭之情未遠也嚮使平湘不反
三山之芳艸共怨王孫卽令紉蘭未歸七洞
之衡茅亦成馬肆又安能維舟投轄以繫相
思越陌度阡而尋講舍乎嗚呼別經二載緒
列千條無德與女粵有間關之詩有道能來
是卽神明之契濂雪之逢皓日善繪難模朗
月之值惠風私心不喻道傍束帛傾蓋已自
白頭族次紵衣一日何曾長爾見思繁之多
指亂知情至有不盡言也

尊佩移梅嶺、招舟借鷺羣、親朋不易得、邂逅此
難分、煙雨江湖隔、悲懼猿鳥聞、家人與僕子、開
夢敘慇懃

二

爾得離初服、吾今保一枝、窮魚投釣後、決鳥入
雲時、有道能相見、全家此始知、龍關廬瀑外、多
少繫新詩

三

亦有剡谿意、况多千里期、爲官能澹宕、作客未
淒其、骨肉舊知己、神明新我師、林間數挺石、頗
足壯鬚眉、

四

相慰亦伊邇、無人知所思、更闌佛火細、潮退酒
船移、世亂蒼生苦、交疎朝貴疑、澄江今沉沉、可
似昔維纒、

劉遠予毛燕山二明府過蓬萊峽同詣
子畱酌選真臺賦得羣真來翔翔清
風飄予襟蕭然吹殊香千秋懷高岑

壯韻率爾成之

神物無狐寄危峰亦樂羣、偶然雙鶴至、頓使九
天聞、花闥秦人棹、谿廻玉女雲、不知何所似、謬
比幔亭君、

二

不有鳴琴暇、誰知谷口真、能教忙勿礙、漸與道
爲隣、一壑畱堅壁、三天重外臣、世間幾淨土、奉
勺傲華岷、

三

逝者滔滔去、何斯冠劍來、爲官如當客、小靜亦
須才、兵火憐山骨、龍雷護酒杯、古人誰到此、車
馬驛中廻、

四

春草看人事、青山試與曩、看得盡、未
爲勞、已破千峰劫、能平八月濤、休云抱甕者、不
肯學田樵、

五

我亦逢迎倦、聊從魚鳥翔、幽人不化鶴、媚草自
生香、道合存柔忍、天如寶亢倉、雷門拔薤者、野
意似輕狂、

六

峴谷猶如故、雲泉相與清、漚溪仙掌出、谿暗魚
燈明、有客諛玉案、無人罵石鐙、日斜帆轍亂、恐
不到江城

七

寂寞公超市、紆遲樵子風、縱無分上下、頗自識
東、繫食匏、仄在清音山水同、聞名身不見、未
得爲高融

八

書帶看無異、荔裳喜自飄、峨眉空如畫、雁瀑失
通潮、從此常安屐、何方別着橋、浮家頻借借、初
不損鷓鴣

九

得此真堪老、無官亦起予、銷將朋鹿願、付盡祖
龍書、種豆更招隱、刈茅別築廬、茫茫看日月、轉
水上蟾蜍

十

天外客開眼、江流別灑襟、衆峰不割血、君子已
盟心、世若無才斧、山應字道林、峩洋分破後、愁
絕爲知音、

十一

自昔辭叢桂、十秋恨採蕭、可憐數片石、不負平
生要、猛獸中流渡、惠風舟子招、葛巾深刺刺、顏
已近青霄、

十二

空谷能容默、聞音殊喑然、似逢關雉、欲避人
秋蟬、世道一尊寄、蒼生千峽懸、不關豺虎處、聊
與論花絃、

十三

此間無不可、所少遂牛吹、寇亂魚鹽貴、遜荒芻
牧奇、天應憐石瘦、津未許梁疲、高會容秋月、黃
花照竹籬、

十四

新唐詩集
卷之五
淚看莊叟清言意未殊、聊通樗社夢莫捋虎
頭鬚、病馬常當路、癡龍數負圖、請看漁父棹、了
不礙鷗鳧、

十五

初種數行菊、已聞十月香、黃氏未解蒂、石蜜漸
開房、斷罌浮鍾外、投竿沈磬傍、應無餘水石、更
與鶴齋糧、

十六

若規開園晚、蓬看翠篠千、山齋策杖債、何少病
王田、正復何須食、其如未敢眠、烽煙淡處處、石
鷁打頭船、

十七

愛竹侵梅雨、護桐怯荔秋、諒無農圃問、試與狐
羊謀、稅少知官淡、病多分主憂、因思長採藥、霞
疇未能瘳、

十八

石笈開雲夢、幽棲愜鳥懷、兵戈真衆業、鼓吹屬
私蛙、秦楚沙蟲在、江淮風鶴背、誰將千本稿、當
作老生涯、

十九

殘碁能不著、斂手見才高、濁酒旣無分、淡眠如
醉逃、蘇門傳戒火、梁市誦投桃、欲散悠悠事、春
風蕩小舸、

二十

高人慙物色、白首念青岑、不信麟鸞侶、能無魚
鳥心、酒酸鑪客散、香退佛狸侵、未識商顏外、何
方更宵浚、

漫賦肩佛

眉彩生雲慶、顛峰托紫駝、奇書香象致、寶頂銅
人摩、擔卸三天重、環穿千塔多、才魔降伏久、龍
虎意如何

二

舊供侔石恠、瓔珞衣珠、日暈輝曇首、山曠聳
碧胡、刷尖金膊像、笑俯下臍鬚、幸勿輕時子、莊
嚴謝老儒、

過蔚園偶賦得中也者

洞破一罔法、渾同萬物居、乾坤正鵠裏、形色轉
胎初、潮至日停午、漏平夜尚虛、閉門端兀坐、神
鬼共權輿、

賦得毛猶有倫

入細功難盡、吹塵意轉粗、雞生無殼卵、麟汚未
旋圖、離日天中矢、鏡神月下殊、誰從微渺裏、更
辨白毫顱、

蓬萊峽端陽水嬉賦得山光插芙蓉溪
鱗磬魚龍并用爲韻同而遠坊之季
容尊光諸兄弟詠之

甲申端午前兩日至蓬萊峽桃竹已華松栢
鏡翠一尺二尺之櫺綴其丹葩未開未落之

梅酒其好雨村婦裹竹以餌龍蛇穉兒縮絲
以辟毒蠱於斯時也漳溪之潛簫鼓方喧大
將軍燕客而集樓船都御史洗兵而澆醇醴
牙檣錦纜耀於江神翠鈿銀標搖茲游女誦
喬木之章潛知不可繹蘭芷之製謂我何求
而乃有而遠勗之季容二三君子攜予長蹇
來棲山舍負經鼓笈以就人師嗚呼旌霞沸
洛下有滕藥之兒舞袖取堂外有決藩之子
豈謂人皆木石亦云好異蓼葍若乃山藜完
能野騰穿後一溪舟子共承鄭公之風曲欄
斂師咸集吳差之市蕩予蘭槳騰我魚龍白
三日以至五日結燈幔者萬指分波繇東山
以暨南山觀堵檣者兩岬不辨夫好豔而慕
膾天下之情一也斂父鼓機以避屈原接輿
行歌而逃夫子亦苦樂之殊致雖罕譬以難
齊獨此一鄉之民共有嗜芟之僻豈軒黎之

后螺母亦有豔容雷首之從都君果爲臆行
乎嗚呼秉燹之慕不絕於人悅采之儀有如
彼烏九巫翹屣以禮彭咸綿上寒煙以修龍
忌湘沅沉沉實爲靈均璠玉招招非徒弟子
以今況古想或然也語云衆志成城又云氷
心蹈火誠得井閉之內奮楫同舟膚敏之羣
朋心競進雖挾碣石以導渤海踴焦原以出
孟門猶或可爲耳而韋跗之士執弓趨風修
能之倫養心乘影是逢萌所閉鞬以守離島
之山田疇所隕心而辭盧龍之塞也情有別
治感則相從諒好我之未衰雖殊音而同嘅
云爾

信有斷鼇足、遂來無定山、蛟何爲水濇、犬欲吠
雲間、海客負圖出、珠人入市還、羣峰應撫掌、爲
我故潺湲、

二

畫水鏡歌細、朝曦瓦石光、有山未有此、好樂好
無荒、里舍鄉心重、頽年今節芳、是中逢艾少、不
宜麗瀟湘

三

江市漁郎喜、雲旌帝子搖、停將胥海曲、試作遊
花驍、蛙部酬清賞、蛩宮破寂寥、何如乘一葉、明
月自吹簫

四

斗村翔鷁首、七匝繞華芙、惟入中宵夢、寒生六
月鬚、健客盤螭袴、驕兒繡虎符、便將千里足、化
爲短溪鳧

五

褰裳採杜若、交臂失菴蓉、誰取長龜手、而爭不
遜鋒、潮音踈瀝釜、濤勢澹飛松、每憶闕冰者、真
爲高士蹤

六

夾颺時不散、醞氣動青溪、鱸膾輸官鮓、荷裳報
落霓、垂條明歲柳、開夢午時雞、不識千春後、何
公賽此隄、

七

微雨無垂瀑、長江亦細鱗、人留岬上眼、浪壓舟
中身、護草忘時節、篠風宕酒神、醴醑深得得、不
與野翁噉、

八

聞鴨寧成事、漉鴻試與馨、并書潛郤約、赤伏現
投竿、小草山仍簡、榴花石未安、世間騰蹕興、總
作劇場看、

九

滿客難逃酒、逢官莫賣魚、能安千日債、不作數
行書、恩俗慙開濟、愁人欲媵予、扣舷風雨外、簡
得傲居諸、

十

涉否詳匏葉、投陂負竹龍、不爭一箭地、未少十
人從、擊鼓馮夷倦、開山靈掌慵、開將娥妬意、付
與兩三峰、

曹遠思公祖至鄴山重證講義薄暮移
尊三臺因用爲韻

河山猶未改、岬谷豈當移、駑驥平千里、鷦明共
一枝、談經稗子恠、種竹老樵疑、九折半肱在、逢
人不肯醫、

二

已覺猿蹄貴、今知石髮尊、一方安草澤、萬里重
葵園、病保殘生福、窮懷亂世恩、指園舊日事、含
涕與誰論、

三

逸馬已難控、狐螭不可驂、現前罇酒在、畢後匹
夫慙、方箭驚民社、茶氈慰石龕、清漳雖黑子、半
壁抵東南、

四

洪濤未可棹、卷石自稱臺、入鏡兔絲落、如椒雀
日開、溪平漁艇暇、風急犬彘摧、世道開笳鼓、真
令聽者哀、

竹醉日同諸子再登逃、詔巖呂而遠為

賦嘉遯得天山、風雲通詩五章用韻

寄懷何義兆

騰控翻多適、艱危記所天、空心青雀殼、老鬢白

雲、巖、運、堯、知、無、月、墜、後、殊、不、然、安、海、騎、馬、意、誠

作此周旋

二

縱不談鴻寶、何當諱小山、睡分垂欲刺、髀肉坐
消閒、非馬翻時輩、猶龍汗舊顏、玄黃一勺水、戰
鬪與誰關、

三

未免營巢癖、聊逃滄海風、破香焚皂莢、止濕佩

山窮鳥膝容人戀、雲瞳入樹朦、若無諸勝侶、身
在細埃中、

四

為王未成竹、將人試入雲、莫嫌鳥鼠穴、亦綴鶴
鸞羣、稚子師玄豹、愚翁錯土贛、蹈虛與集木、此
道共平分、

五

不信長安路、亦無鱗羽通、家貧宜賣劍、新盡合
炊桐、短屐裁依足、孤舟阻熱洪、為將玄滌意、進
寄與秋空、

張坊之同賦五韻因和坊之

枯樹豈謀雨、孽蘿亦有天、每將猿鶴俊、欲抹繇
巢賢、捉鼻通人願、黏竿童子緣、今年身頗健、夢
覺共遽然、

二

何當導一足、不忍咒殘山、天地留飄瓦、神靈倦

解爨條桑家未遠種菓日多閒便改採芝徑爲
題明月灣

三

以我蒿蓬意開人蘭蕙風研頭銷碣石掌底淡
浮蒿集鳥嘗新飯飛龍悵故宮現前餘四壁憂
樂與誰同

四

驅石難填海無聊亦看雲三秋蕭未採十步草
能芬通峭畱時彥懸置動少文自憐賣藥者初
不賣聲聞

五

度劫灰仍活鏤雲響自通縞衣占鶴客尺喙謝
漁翁起簣今無似驗方古不同諸君饒羽翮平
掌視虛空

汀州司李趙我惟偕李寶弓至山中與
陸夢文及諸子冒雨上逃韶巖寶步

至鳥道却步

三過青谿夢、居然舊日期、山川今正好、動止古
如斯、飲露尊、凋謝、御風寶、葛絺、窟崖與遠道、各
不負相知、

二

淡奧慙玄滌、翩娟亦此山、偶因潮上下、數與
槃還、雨甚游人少、才高官事閒、汀州六百里、車
馬念間關、

三

驛道縈新采、離人愴舊游、到山能解帶、焚艾未
須摻、別鶴輕千里、蹲鴟足一丘、應知石戶叟、初
不苦幽憂、

四

鑿出殊多恠、頻過了不驚已、消刀劒路不替煙
霞盟、山鳥浹抱足、溪舩高着晴、能畱逐電駕、合
與種薇蕢、

五

弭節山山好、飛來處處通、世無太少室、此亦明
光宮、結網時緣木、為巢數避烽、看餘冠蓋外、恣
與鹿皮翁、

六

折臂能無痛、逢山時一醜、青天收鳥路、白水斷
魚筮、以我生涯少、知人才慧多、江關看不見、風
景逼於梭、

五月廿一日闢蘭谷洞初成寄胡雨房

蘭谷初成洞、催詩欲去梯、懷人不可見、飛鳥與
人齊、溪鼠深閒暇、山翁老滑稽、何時來過夏、結
足小堂西、

二

移竹隨隣壑、干枝未足多、備鋤看漸倦、鴈鶴誰
偏訛、枯漑滋香榻、垂花散女蘿、慙無逃雨處、箕
笠倚山阿、

從蘭谷洞逃雨下山阿小隱

小雨山阿下、巖花未蓋身、乍如屐齒漏、始覺杖頭貧、土室容溪坐、窟崖尚得隣、數間何可少、茅竹較清真、

二

崖淺無高遜、蘿踈有濕衣、人疑貪虎穴、公莫上漁磯、細竹青絲嫩、交薑黃土肥、築亭猶未晚、薄醉也當歸、

山阿小隱作

作處領其要、此間殊與淡、臨流水不見、盤徑石能陰、半畝新梧院、餘龕古竹林、似當閉花片、別與漁舟尋、

二

咫尺通江渚、杳無舫櫓聲、曝書來半嶺、逃詔入層城、山鳥時相語、巖芝遍可耕、畱將鍾磬意、行一問先生、

三

山阿宜小曲、對宇似淡村、鳥喚人移棹、雲啣石
到門、坐孤知物淡、春盡覺花繁、不意層臺外、居
然獨樂園、

四

愛竹如良友、移松得遠朋、逃虛吾豈敢、面壁此
何曾、時乞漁舟火、間分講院燈、山中山更穩、香
氣老扶藤、

五

過庭唯鳥覺、於此悟兼山、月白殊難臥、林香聞
一還、不隨大劈勢、故作小家灣、踵息淡處處、羣
峰相與刪、

六

何須淡結足、但得此盤桓、不出三臺外、卽爲千
仞看、羊裘初隱澤、風伯未驚壇、半榻能無恙、孤
窗天下寬、

池直夫乘暑過鄴山率爾有作

喜有高人蹟、能通荒遯心、移舟如看竹、訪友不
關琴、十載焚車久、狐罽領道深、見巖殊勝我、百
里未追尋、

五月廿七日江東驚聞長安之變

滄桑非語謾、崖谷已當身、入世不知晉、爲書淡
過秦、何圖賣藥者、復作採薇人、禮罷淡淡處、雲
雷自在春、

二

不惜藏書苦、何辭抱石勞、籐心緣太上、峰氣入
秋毫、我作渾沌癖、人當堯許逃、餘生無所戀、漁
父自江臯、

三

江湖吾已老、日月領雙丸、魚水風波外、鉤弦雲
樹端、不辭青荔薜、未損白衣冠、愧殺華山若、北
年空作官、

四

盟壇何可作、雄黨剩關東、人欲支天誤、天爲補
石竅、橫流無禹力、隕雨尚堯功、到有空山好、華
胥淡夢中、

五

警衆煩牛耳、彈琴此一時、真靈還有道、諸子豈
能知、管葛花千日、桓文章半枝、朱甍開破甕、鍾
鼓動吾師、

六

不共猖狂去、殊多點簡來、石頭難渡海、駿骨倦
登臺、柯嶺數敲局、昆池百劫灰、成名豎子事、莫
付老翁裁、

偶書示趙與蓮及諸子

趙子蘊奇抱、衡孃擬正平、文章賴後友、景宋稱
先生、四十豈爲老、箠瓢真寡營、方今天板蕩、不
獨爾孤鳴、

二

修名何可立、蘭芷共爲茅、遠海蛟龍怒、窮山貔
虎然、奇音常激楚、旅鳥欲焚巢、擊壤看他日、相
期桂樹均、

三

避世古多有、凌霜莫厭寒、中年雙足健、萬累一
絲看、君父垂龍血、精誠試馬肝、青衿猶自在、選
石共投竿、

六月朔日長安信至率爾寄友

虞淵誰取日、塵海已橫波、蚤計逢多諱、危言恨
則那、有冠縣越市、無力挽天河、何處堪敲枕、山
山寄鳥窠、

二

勿復言圖讖、神明閱物來、望夷開海道、射鳥上
金臺、教子申韓誤、驅人鶴鹿猜、於今逢建武、揮
涕未須哀、

三

王氣鍾山在、朝宗江水流、洗腥還 太祖、食雒
侶成周、天假桓文會、人稀管樂儔、持危無半士
遺歎動千秋、

四

海樹無和響、雞啼非惡聲、石頭天子氣、都下鬼
神兵、日落山魘舞、江寒夜鳥鳴、看人爭勸進、躑
躑負書生、

五

汎汎河中水、川川葉底舟、葭灰明日覺、劍氣白
人頭、畫輦開新服、除宮藉委裘、誰能更擊楫、北
聖撫吳鉤、

六

從此分淮水、無人識剡臺、魯連蹈海去、壯士入
秦廻、昔日公車道、今秋禾黍哀、不堪持蕙酒、
爾更投杯、

九月朔大集講壇二日偕諸友登黃巖

用朱紱方來羣賢畢集爲韻同賦

海眼秋仍白、山顏老尚朱、蘭亭昔日繪、斜谷古
人圖、道廣溪翁入、崖傾靈掌扶、應持新菊酒、先
與汝來簷、

未解麟鸞絨、難忘耕鑿勲、巖泉猶不捨、巢許
爲君朝、報入山、少雞聲、隔夜聞、慙將移、勒意、

別蚤歸雲

三

講肆初成業、兼葭又一方、癡龍難穩臥、病馬欲
支床、風凝石人髓、囊餘神禹糧、新亭看手板、誰
與共梧崗、

四

世道如將泰、風回信乃來、人慘鍊石手、天長移
山才、起簣停抄藥、藏書別築臺、月多四耳卷、并

與僕夫裁

五

雷雨逢新意、煙霞未亂羣、魚書江不斷、鳥篆石
平分、山鬼茹朝服、傭錢散墓文、築關闢底事、荔
薜挂續紛、

六

正有石堪語、何曾我獨賢、猥流多出谷、小草動
支天、四海如孤棹、千峰亦倒懸、恐將叢桂樹、擲

向絳騶前、

七

側岬多經史、桃梅各主賓、已明逋客意、未捨故
園身、蹈水畱忠信、開山讓鬼神、追還馳驛使、不
似世途人、

八

勝事此雲集、趨時風所箴、微官慙小隱、直水負
成陰、入夢東周少、懷憂南國深、何如諧楮竹、同

舍坐蕭森

九日同沈鶴生年兄及諸友登逃雨巖

率爾有作

遠渚兼葭渺離思朋友親
小山高不極孤往尚
多隣野菊入秋晚村醪過市頻
幸無猿鶴怨半
壑自清真

二

蕭然餘襆被、數竹也成林、豈不念諸子、其誰知
我心、芋薑雞笋好、苔蘚烏斜渡、任此能多少、市
車老共尋

三

餐英分小碗、賣藥上逃巖、潮退溪沙白、崖敲石
髓函、去梯全謝客、款夜半開帆、新意畱諸洞、逢
人載短鑱

四

齋糧猶果腹、祀竈自高春、此亦讀書窟、何如集

鶴松半床鍾乳滑小裹香泥鬆合選平陵處開
樽祭竹龍

五

百日成三洞寧從風雨來前身巢水石本命屬
瓶罇鳥意雲千樹雞醴酒數杯倩人扶落帽更
倩與移梅

六

乍從懸度過平地喜公還肉翅吾徒共蘿裳
士開頻穿小智徑莫從大愿山冬種黃花就
松再掩關

十日再登諸洞更命意匠鑿山

鑿山猶未了未有出山期土室關千榻驚鳥別
一枝江淮伎客夢松菊惱花時長憶二三子扶
拄接離

二

絕壁成通道雕闌聽有無蟻王看驛使舟子盡

業成山詩卷
品圖作賦平時尚能高亦大夫棲遲何不可老
態自江湖

三

已識馬肝味况多鶴怨心
耨鋤真別界毛脫老
當今世過有人讓園葵少共任餘生不滿百
桂幾成陰

四

疎放難憂國登臨不顧家
人才需濟險屐齒欲
抽芽小試巨靈掌
開開鐵樹花此間能信過
駟未爲奢

五

欣賞吾無似同游衆不疑
恐辜浴日夢聊塞素
餐詩破壁銘新課長纜謝故知
難將諸帝德輕
報與峨眉眉

六

枕漱非乖僻餐眠適所安
董形師野鶴側杖間

河關欲濟今堪未持危古尚難成名豎子事判
作鳥窠音

十有二日偶值刻暇楊玉辰以素綾索
書迅筆爲之示諸同人

甲申九月予以講舍落成集於鄴山同游諸
彥二百有餘人自朔日至於重九上下白榆
逃雨黃崑諸洞徘徊十許日乃感皎駒空谷
之章誦登高臨遠之句黯然欲別倦矣興懷

况煙霧之泥人屬楸梧之惠我月食回到未
盡瓶中日諷九歌猶驚水濺李固都亭之歎
况在日前康伯被徵之情救彼車下又况岸
谷甍移雲雷交始卜槃桓者无咎將壯趾以
安歸香餌弱寸能無墜烏竹頭木屑豈盡高
人祖劉慷慨失足於鮮卑管邴從容遺模於
雲鶴若天將平治必有名世之英使海可襄
裳不藉鼉梁之駕諸友乃纏綿祖帳踟躕芻

靈欲令鍾鼓發節於爰居駟壁先光於病馬
尚云慎旃不已過乎於時遠訊適自日邊念
此遐心齊於嚼蠟李仲元之留連讌好豈盡
鄉情黃叔度之暫往京師猶之問樂或可載
其獲薪諒亦通於漚釜唱子和汝喜起之寄
雲松合性移情絃徽之分竦島雖非助我寧
不嗣音因用雖非助我寧不嗣音爲韻語皆
五字人賦八章

天夢失高枕、奔車藉小綏、世容安石在、官豈藉
人爲、笳鼓無哀樂、鶴猿自繫維、果然輕拔足、千
古負之推

二

炎髓通王屋、棲蒐到少微、一車不宥載、百藥送
將歸、龐叟輕諸葛、雲卿戀布衣、莫從牛渚裏、閒
說鱸魚肥

三

杖屨欣多助、旂常繡短鋤、天河身未竭、鹽海眼
垂枯、久坐關人福、淡餐享道腴、中流看管樂、總
亦兩鷗鳧、

四

爲誰寧作我、樂此復如何、白水愁金簡、東山爛
斧柯、四支天欲壓、獨坐虎環多、蟬蛻經秋外、園
桃不敢歌、

五

牽絲慙世業、琢璞謝山靈、此出不相負、枯松當
復青、竹弓看射鴨、飴黍與黏甍、合過東橋畔、隣
翁借酒經、

六

石色果安不、江寒水尚流、趙河春已斷、楚社暗
經秋、繡緇婦入服、狸狐月出游、可能如半壁、藤
墨瀉儂愁、

七

頽年頽秉燭、掩涕護殘碁、突出意難勝、多經心
所忌、碎松鱗不細、險徑鬼仍疑、敝屣千金直、留
懸月上時

八

彌海誰知我、孤山為刳心、遶梁分別曲、半嶺度
奇音、世界資神物、功交付破琴、所憐諸松桂、十
載未成陰

終

明誠堂詩目錄

五言律

癸未

附七言古

一篇

明誠堂初集諸友分賦陳宣子得雲盡

山無際川歸海未盈因用為韻十章

樵徑

閩物

碧血

佳氣

真想

白髮

倦鳥

孤棹

瑤草

案戶

同前韻有和陳宣公七言律十章又依
仄韻四章別梓

和戴伯閣八章

里門昔人蛙鷓皆隱樞
交讓彭顏北載

和林守一 四章

積雪 青雲 魯檜 吾鄉

和陳無技龍臥百株桑韻 五章

尺土 天民 忘我 無恙 逃名

和胡仁祖 六章

卜菜 天覺 鳥路 世道 日出

玄德

和商諧仲 四章

燕雀 翹館 道味 水鏡

和商玄剡 二章

鳴鳥 猶龍

和胡元居 二章

吾黨 庭前

和胡爾房 四章

如鳳 鄒魯 微言 風雷

和張章垣 二章

標名 剛淡

有和諸子七言律凡十二章別詳

曾未和書至復存焚草 十章

退筆 翻羹 當年 鼻頭 損益
為貧 吠作 波濤 工巧 文章

寄曹遠思司理 四章

雲霓 自我 胡馬 清達

答友勸駕 二章

晴天 平晚

答彥升臥子有僕諸友 八章

陽路 十月 生世 方盡 遽瑗
勞生 休糧 朋緣

臘日再寄彥升臥子 四章

餘生 練要 捐軀 小園

和陳宣子安石柰蒼生何韻 六章

飛鳴 歸歟 刀盤 若華 津梁
寤夢

附偶作示諸同人 七言古

東郭一篇

凡一十七篇八十二章

明誠堂詩集

癸一卷

漳海

黃石齋著

榕壇門人

較

五言律

明誠堂初集諸友分賦陳宣子得雲盡山

無際川歸海未盈因用為韻遂成十章

樵徑憶鋤雲、平林記鹿羣、世緣難簡盡、道法此

勻分、出聽魚相沫、和陰鶴自聞、不知蔬水外、蘭

芷為誰芬

二

老當閱物盡、始覺小年真、鹽米伺前道、茶瓜餉
近隣、青燈中夜夢、明月舊園貧、忽忽廿餘載、空
稱侍從臣、

三

碧血灑空山、微名煙樹間、白頭粘骨月、丹荔失
容顏、石砌除花徑、風期掩竹關、誰能長遶膝、百
歲老斑斕、

四

佳氣幾時無、真形別上圖、黃精穿峽細、赤翅入
江腹、雲母將松子、崖鞭走竹雛、於私良足發、山
水未全愚、

五

真想天人際、無言桃李蹊、浚沈慙夥涉、博奧謝
仙奚、道轉衡陽雁、心驚北塞羝、猶愁風雨夜、益
且淵鷄啼、

六

白髮縮逝川、青雲失舊妍、龍蛇常畫臥、鶩鴨喜
行眠、頗悟易無諍、聊云詩有權、欲將淡冷意、播
與熱中蟬、

七

倦鳥適游歸、勞人欲掩扉、交因親易合、靜與簡
相依、不恥無聞傳、猶愁未遜肥、劔頭書老易、艸
艸動斜暉、

八

孤棹凌人海、餘年愜小齋、鹿車移磻水、鏡鼓避
丹崖、自我成無學、知君寡所偕、偶題玄散論、頗
中白雲懷、

九

瑤艸堪耘未、空山信采薇、路經人過少、書并鬼
啼稀、北闕虹垂玉、南巖豹解威、下層賓客外、別
有坐魚磯、

十

家戶此盈盈、淨窗當百城、心微鐘磬合、道泰龍
蛇清、日月推先覺、義文畏後生、應開列缺路、更
向頂頭行、

又和戴伯開

里門新卜築、仍是古鷄壇、開徑招松侶、傍籬製
籜冠、一泓私倒影、九畹共耘蘭、好友能相過、扶
筇慰蹒跚、

二

昔人尊石隱、近代喜高禪、不識多心義、但看無
罣天、畫前龍馬篆、刪後蠹魚編、愧作千秋夢、枯
崖骨鐵船、

三

蛙鵬春不乏、鼓吹未開函、已覺名根盡、猶疑殿
氣隣、人寧鉤比曲、竹但青於藍、鹿豕相將處、南
山南又南、

四

白髮今皆隱、青衫舊日過、研池搜墨暈、瓜隴逗
煙蘿、去路漢無極、歸人江有沱、清歌燈火夜、每
一問如何、

五

樞具久相笑、巾車老復逢、家僮稱姓字、客作悟
惇庸、細雨觀朝槿、靜心聽夜鍾、莫愁青竹杖、未
得作乖龍、

六

交讓君家木、連枝各禮臺、曾波魚脫釣、千歲鶴
初胎、退筆高南斗、落毛細九垓、微醺人散後、相
聊亦悠哉、

七

彭顏相較半、李孟我當安、獨立頽波易、藏身亂
世難、無名蕉葉好、有道緜袍寬、誰鑄黃金假、相
將百世歡、

八

且載風塵事、銷君兩日書、明珠分寶學、芝草動
龍眉、昔擬煙霞侶、今推農圃師、勿云信宿外、復
作北山移、

和林守一

積雪當門少、春風入座寬、畫圖迷下澤、版築動
危壇、鳥破煙霞障、人開木石肝、姚江冰水後、莫
復長疑團、

二

廓爾青雲路、皎然明月襟、伐檀今不惡、禮樹古
誰禁、丹漆家人夢、鳳圖夫子心、勿云經岳外、別
自有崑岑、

三

魯檜豈云創、嶧桐亦此風、已教從澹靜、端不墜
虛空、遠客青山似、明河秋水通、可憐雙白鹿、兩
地白雲封、

四

吾鄉多古宿、尊酒共攀躋、訪道烹泉髓、問心長
月倪、禪奴歸紫筍、詩媵遣黃鸝、對榻相逢好、無
勞語絕梯、

和陳無枝

尺土無階地、磐桓起岱宗、風雷看試可、雲水序
功庸、自我頻焚草、知君多種松、應愁賣卜者、從
此問朋龍、

二

天民良好德、衰鳳且高歌、入夢蛟龍少、依山猿
鶴多、解衣扶九鼎、洗黛看雙峨、破卵迴車處、歸
然舊鳥窠、

人能忘我輩、世豈不清平、出火知文玉、涉川見
水精、天猶同野意、雲澹曲肱情、在處聞神聽、無
言媿友生、

三

保得腰無恙、况多柳數株、負薪金不顧、伐木酒
仍沽、書社三湘遠、雲亭四壁孤、敢因諸子在、
引端門符、

四

逃名難採藥、祇敬自維素、道遠詩書在、天高
鳥忘樵童通、肇論所養誦、雲章疏附湧、誰力
翻感雉梁、

和胡仁祖

卜築豈吾事、樂菴衆所安、嚶鳴從鳥和、新沐取
冠彈、絲竹青松外、煙霞碧嶂端、四方看靡騁、聊
此共開鹽、

二

勿復談天覺、詩書各舊題、看山慚造次、倚杖失
追躋、圃述千秋徑、耘鋤細草蹊、除將日月裏、無
處問懸藜、

三

鳥路經雲過、桃枝送雨來、丹函辭草創、小帙入
林閒、野樹飄秋麥、江流漲熟梅、因無浮海興、風
浴此能裁、

四

世道疎樽俎、庭隅結遠廡、烏紗除曲謹、白恰便
清狂、雨過琴書潤、花開鐘磬光、步筇資膂力、時
一念寄蒼、

五

日出園林好、鷄啼風雨清、言當千里應、心與數
峰明、敬信殊方合、靜廉世路平、羊裘魚艇裏、各
不負平生、

六

玄德輕丹杵、禪心異鳥窠、門無稱閣法、天有選
才科、寶樹因風長、道山入座多、請看代謝理、曾
奈石頭何、

和商諧仲

燕雀千秋意、蓬蒿一日開、空青羣嶺合、絲竹小山迴、海表龍難臥、巒頭鶴乍來、應藏數斛酒、遲看歲寒梅、

二

翹館誰開路、吟壇共掩扉、東臯新好事、北郭蚤忘機、攬德依衰鳳、占星報少微、藝蘭能幾畹、半畝也光輝、

三

道味水同契、心花雨自開、蕭疎方外理、其苦意中劑、鳥語千山夢、松鱗百世才、因君談要眇、不覺起徘徊、

四

水鏡各能照、明誠共此工、靜中觀物悟、定後與天通、雲磬清溪夜、木犀香滿棗、諒無言語處、不在冷江楓、

和商玄劄

久不聞鳴鳥、爲君說解牛、人皆看意匠、天不定
鴻溝、帆影知江樹、雲心覆石頭、明明霄漢路、鴻
燕此借由、

二

不識猶龍面、猶知問禮年、况逢霖雨夜、正在
梅天、書帶輕含霧、墨花細入煙、相期風日好、歸
路滿江芊、

和胡元居

好古還吾黨、疏蘭繞碧虛、人師雙橘樹、天護數
行書、漁父頻開棹、蘇門未徙居、初隣應不少、高
枕復何如、

又

庭前一水遠、木末數星高、古意剛於月、浮名細
似毫、玄言觀柱影、炯戒在香膏、環佩相遺處、清
風滿夕臯、

和胡爾房

如鳳青山秀、開梅霖雨新、檀弓知物始、綿蕞起
陳因、松約催濤蚤、筠心待釣頻、諒知來遠意、各
不負孤隣、

又

鄒魯文章在、關濂人地偏、百川齊赴壑、二斗自
垂天、麟甕開書後、鵝湖爭論前、更無清妙事、可
以謝韋編、

又

微言良不絕、精義古無多、欄水丈人論、風流孺
子歌、相忘能助我、入碎未焚和、世道差池甚、鳴
鳩莫漫過、

又

風雷通盼蟹、神鬼喻精誠、只此考槃意、翻成鳴
鳥聲、陶求知道妙、古處見人情、安樂行窩在、追
隨足泰平、

和張章垣

何敢標名榜、聊當結小窩、靜知環堵大、悟覺片
言多、拳石明孤掌、羅峰觀兩峨、卽看叢竹裏、時
共鳥麇歌、

二

剛淡報天子、塵途屬老成、苟袁從叔度、樵牧洞
初平、蠟鳳羣賢巧、雞碑撰述精、應知文少室、冠
冕在先庚、

曾未和書至復存焚草

退筆成遺屣、高人賞落花、就陰難滅影、倒樹又
鳴鷗、偶爾生狂疾、何當掛齒牙、龍頭鋤麥叟、痒
背自橫槌、

二

翻羹勞挾手、寒瘁亦驚心、滅頂未經過、褰裳誰
信淡、青編後歎夢、黃葉老兒啼、多少花供飯、偏
吞棘刺鍼、

再作當年語、今知老不能、前生矇瞽史、外道板
床僧、鬼愛淡松栢、人懷軟毳毼、此間看未透、顛
倒擔頭藤、

四

莫着鼻頭火、閒消肘後方、鼠肝無但化、熊膽不
須嘗、吾道明朝掌、天星細夜光、因思前輩好、室
闢未玄黃、

五

損益隨人悟、劬勞念所生、拔除緣底事、割殺爲
時名、野曠山空淡、天高海不平、竹林青等等、何
處少涼城、

六

真箇爲貧仕、癡疑作道看、千峰孤掌出、十指一
絃彈、知我皆寒峻、誓予卽好官、無多狼毒木、休
匹古張耳、

七

吹惟誠庸態、修能亦鄙人、鳧波親上下、雁隊老
君臣、德邵緣無學、息生為有身、臨河迴軫處、初
不睹嶙峋、

八

似此波濤路、何如餐寢時、墜杯人失色、焚屋真
難知、一寸鳥頭力、千筋白髮絲、相看行到爾、斷
臂有誰師、

九

工巧非吾願、迂愚信所尊、掌中開島道、額底射
天門、勇盡慙西眼、時清誓不言、當年焚草草、悔
未細評論、

十

藉文章力、但存道命初、千春誰記得、小興足
與、洗血碧池淺、投身雲樹疎、勿貪異日史、多
照數行書、

寄曹遠思司理

雲霓屬望久、綸羽幾時還、四野蒼生涕、孤城白日關、狼心驕語撫、鴻澤痛多艱、何術能蘇世、容容立小山

二

自我不能勝、空慙郊壘多、山川驚戰鬪、弟子耐絃歌、火米入秋盡、葵園奈馬何、可憐避亂者、壘折共雞窠

三

胡馬聞初退、寇氛想未平、紆憂懸國賞、舐膽澹書生、滄海高人路、長松逋客盟、浮沈狐兔侶、不羨冶城名

四

愛爾真清達、高堂况有親、一官如客寄、千里念孤隣、世治當相報、言淡未免顰、除將盜賊盡、歸酒敘風春

答友勸駕

晴天青欲染、着筆老還孩、暑假詞人致、聊梳山
院齋、放龜銷腹篆、歸鹿隱腰牌、何處舊相識、千
金買墜釵、

二

天意欲平晚、吾身親見誰、四方瞻靡騁、疋馬去
何之、賣卜西州市、投金東海濱、慇懃扶竹帚、賴
有石牀知

答彥升臥子有僕并詩友

陽路生春草、春風殿小山、玉師萬里檄、神武九
重關、野外蜚龍滿、澤中孤雁還、焚香看北斗、一
夜騎全斑、

二

十月到正月、長安音信稀、豈無魚鳥路、坐掩柴
桑扉、奮翅嗟衰晚、投鞭賦式微、健兒人所護、試
與爾無衣、

三

生世逢明主、孤臣真不才、一官慙柳下、三咽
淵嗟來、鬚髯侵龍血、詩書絆鬼胎、此身何處致
破時老蒼苔、

四

豈有才方盡、而關命始通、星躔非老賤、辰齒擅
穹窿、世少赤松子、天多白兔公、耘鋤方不暇、半
畝易爲雄、

又

遽瑗難爲學、狼暉安可爲、君恩除瘴嶺、馬骨
重車帷、吾鼎自尊足、鶯鳴漸解頤、持茲報日月
不負北山詩、


又

勞生長未已、殘夢且廻環、以爾無波水、澆茲多
骨山、耘鋤千載倦、傭築乍時閑、孔墨悠悠處、石
門總不關、

又

休糧胡不可、力食古為難、覆掌收鷓供、垂肌見
虎殘、何方蘇藥樹、無意事金丹、十架圖書在、真
同黃葉看、

又

朋緣除盡處、孤往意猶疑、道畔牽魚藻、雄風斷
釣絲、鷓夷生  晚、水鏡老仍疲、悔說當時事、玄
言憶桐師、

再答彥升臥子

臘日

餘生依宿莽、微力念穹蒼、風緊南鴻絕、霜高北
斗涼、呼庚緣賦重、棄甲為兵荒、浩歎看新麥、秋
時不可嘗、

二

練要寡人事、繁多惱帝心、太行山子涕、小隱老
猿吟、戎籍折肱甚、地文杜德深、不知湯火裏、果
否問遺簪、

三

捐軀何所惜、於義未全安、改火逢龍禁、週饑味
馬肝、白頭塞北夢、赤手市南丸、莫以斷船楫、而
當快馬看、

四

喜見小園面、猶慙行道身、絲牽穿薄鳥、藤罽墜
崖人、寶鼎饕餮樣、盡旂豺虎隣、誰從鋒鏑下、更
與理灰塵、

和陳宣子安石柰蒼生何六韻

石柰韻
轉青灰

飛鳴何處可、飲啄此歸磐、世泰吾將泰、天安我
亦安、投竿仍跪石、伐樹再生檀、五百垂絲鬢、論
才千古難、

二

歸歟思素業、弋者讓青冥、陋巷旂常穩、空山鍾
鼓靈、一心支世力、五緯護天經、猿鶴消愁處、風
涼月滿庭、

三

刀盤非細物、屐履見通才、六子能相厲、同人久
不猜、書無辭、稷契坐豈別、靈回、締繡公家外、衣
裳各自裁、

四

若華餘夜色、螢火引書光、飛鬼行千里、名賢集
一堂、太牢看緒語、小艸命扶柔、述作吾何敢、辛
勤答彼蒼、

五

已倦津梁事、難收射御名、河身徐曲折、月魄淡
虛盈、水鏡隨人照、石田付象耕、應知來可畏、磬
折老餘生、

六

寤夢消年月、殘林爛斧柯、文心看變海、道壽足
清河、梓白三生徑、營巢太古窩、玄黃今靡定、天
亦奈人何、

癸未春率爾偶作并示諸同人

東郭先生久寂寞、牽蘿葺戶塞漏屋、圍墻一半
青珊瑚、破瓦穿籬墜修竹、當時弟子坐談經、白
晝肉翅生雲青、鳳凰山頭數飛舞、荔風橘雨開
醅醒、倏忽於今三十載、黃金鑄成付滄海、明珠
撒飯不復施、玄冠數毀籜冠在、廣成已老無嵯
峒、藐姑山化爲窟菜、三秀六英不可食、髯燕不
宜巢蒿梁、行人笑指龐公宅、將軍樹前墨襪護

羅無禰館棲千間、可少盧門敲圓席、先生強顏
無復慙、絳宇朱闔吾不堪、少年只想樺皮屋、擘
韋安敢纏華簪、提筐拾樾採朱草、金谷蘭亭那
得保、平泉百載更三家、洛陽名園又何道、去年
擬買屈平潭、今年欲結遠公庵、頻年碌鹿無一
可、白髮垂耳空鬢鬢、諸君相期各千歲、五百中
身講進退、一半納足坐筓中、一半抽鋒出天外、
腰間差池三百年、始得貼坐稱團圓、宋繇謫賜

榕樹前、猶恐辨力難安眠、只今四海輟毫鍊、安
用束車突陋巷、螭封蚤屐爭昂低、岡梧尚有鶯
鶻棲、衰毛宛宛垂桃谿、諸君負才各千尺、勿復
拔檀理雞柵、東華嶺上自畱松、孔明廟前自灑
栢、詩書今已出破壁、勿使精恠鏘金石、東郭依
然生虛白、

